



Broj: 16-12-16-7946-12/23  
Istočno Sarajevo, 07.11.2023. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH”, br. 27/04, 63/04, 35/05, 49/09 i 40/12), člana 70. st. (1), (2), (3) i (6) Zakona o javnim nabavkama („Službeni glasnik BiH”, br. 39/14 i 59/22), člana 9. stav (2) Pravilnika o uslovima i načinu korištenja e-aukcije („Službeni glasnik BiH”, broj 66/16) i Izvještaja o toku i završetku e-aukcije od 06.11.2023. godine, na preporuku Komisije za nabavke za potrebe Državne agencije za istrage i zaštitu u 2023. godini broj 16-12-16-7946/23 od 06.11.2023. godine, u postupku javne nabavke zimskih auto guma za potrebe Državne agencije za istrage i zaštitu, direktor Državne agencije za istrage i zaštitu, d o n o s i

### **ODLUKU**

o izboru najpovoljnijeg ponuđača u postupku javne nabavke  
zimskih auto guma za potrebe Državne agencije za istrage i zaštitu

#### Član 1.

U postupku javne nabavke zimskih auto guma za potrebe Državne agencije za istrage i zaštitu (daljem tekstu: Agencija), putem Konkurentskog zahtjeva za dostavljanje ponuda, na preporuku Komisije za nabavke za potrebe Agencije u 2023. godini, broj 16-12-16-7946/23 od 06.11.2023. godine, okvirni sporzum na period od dvije godine dodjeljuje se ponuđaču „GUMA VP 200” d.o.o. Mostar, ponuda broj 16-12-16-7946-9/23 od 31.10.2023. godine za ponudenu cijenu od 18.270,00 KM bez uračunatog PDV-a, umanjenu prema rezultatima e-aukcije.

#### Član 2.

(1) Ponuđač „GUMA VP 200” d.o.o. Mostar obavezan je ugovornom organu dostaviti dokaze o ispunjavanju uslova iz tač. 3.1.1. Konkurentskog zahtjeva.

(2) Dokaze iz stava (1) ovog člana (orginal ili ovjerena fotokopija) ponuđač je obavezan dostaviti ugovornom organu u roku od pet dana od dana prijema ove odluke.

#### Član 3.

Ova odluka se dostavlja ponuđačima najkasnije u roku od sedam dana od dana donošenja Odluke, uz istovremeno objavljivanje na internetskoj stranici Agencije.

#### Član 4.

Za izvršenje ove odluke zadužuje se Sektor za materijalno-finansijske poslove Agencije.

#### Član 5.

Ova odluka stupa na snagu danom donošenja.

## Obrazloženje

Odlukom direktora Agencije broj 16-12-16-7946-1/23 od 06.10.2023. godine pokrenut je postupak javne nabavke zimskih auto guma, a za potrebe Agencije u procijenjenoj vrijednosti od 30.000,00 KM bez uračunatog PDV-a, za koji je obavještenje o javnoj nabavci objavljeno na Portalu javnih nabavki broj 1161-7-1-219-3-60 od 11.10.2023. godine, („Službeni glasnik BiH”, broj 73/23) od 20.10.2023. godine, Ispravka za obavještenje o nabavci broj 1161-7-1-219-8-65/23 od 20.10.2023. godine, Ispravka za obavještenje o nabavci broj 1161-7-1-219-8-67/23 od 25.10.2023. godine, („Službeni glasnik BiH”, broj 76/23) od 03.11.2023. godine. Predmet javne nabavke je sukcesivna nabavka zimskih auto guma za motorna vozila Agencije, a prema priloženoj tehničkoj specifikaciji koja čini sastavni dio Konkurentskog zahtjeva. Novčana sredstva za predmetnu nabavku su obezbijedena u okviru budžetskih sredstava za 2023. godinu, a na osnovu Zakona o budžetu institucija Bosne i Hercegovine i međunarodnih obaveza Bosne i Hercegovine za 2023. godinu („Službeni glasnik BiH”, broj 22/23) i Dokumenta okvirnog budžeta 2024.-2026. godina. Navedena nabavka predviđena je u Planu javnih nabavki roba i usluga Agencije za 2023. godinu, pod brojem 4.2.4. Za navedeni postupak javne nabavke predviđena je e-aukcija u skladu sa odredbama Pravilnika o uslovima i načinu korištenja e-aukcije („Službeni glasnik BiH”, broj 66/16) (u daljem tekstu: Pravilnik), sa namjerom zaključivanja okvirnog sporazuma sa jednim ponuđačem.

Obzirom da je tačkom 6. (6.1) Konkurentskog zahtjeva navedeno da je rok za dostavljanje ponuda 23.10.2023. godine do 13:00 sati, te da je javno otvaranje ponuda predviđeno za 23.10.2023. godine u 14:00 sati, isto nije izvršeno navedenog datuma. Naime, firma „EURO DAM-JAS” d.o.o. Lukavac, ul. Lukavičkih brigada bb (u daljem tekstu: Žalitelj), putem prokuriste Nine Osmanović, podnijela je žalbu na Tendersku dokumentaciju u okviru Konkurentskog zahtjeva za dostavu ponuda za javnu nabavku zimskih auto guma, broj 16-12-16-7946-2/23 od 11.10.2023. godine (u daljem tekstu: TD), a za potrebe Državne agencije za istrage i zaštitu (u daljem tekstu: Agencija). Žalitelj u svojoj žalbi navodi da Agencija TD nije izradila u skladu sa odredbama Zakona o javnim nabavkama („Službeni glasnik BiH”, br. 39/14 i 59/22) (u daljem tekstu: ZJN), te da je pogrešno tumačila i primjenila ZJN. Dalje, Žalitelj ulaže žalbu na kriterij postavljen kroz Specifikaciju auto guma-zimske, kao priloga uz TD, vanjska buka izražena u decibelima (dB) navodeći da se, u skladu sa EU Uredbom 2020/740 Evropskog parlamenta i Vijeća od 25. maja 2020. godine o označavanju guma, iskoristivost goriva kreće na ljestvici od pet podioka od „A” do „E”, za mokru podlogu od „A” do „E”, dok je vanjska buka određena na tri nivoa „A”, „B” i „C”, unutar kojeg je određen raspon decibel, što implicira da Agencija postavlja kriterij unutar kriterija. Takođe, u žalbi Žalitelj navodi da je na poziciji 6-Specifikacija auto guma-zimske uslov za buku 66 dB. Navedena mjera je unutar ljestvice „A” i predstavlja najnižu buku koju guma može da ima, iz čega proizilazi da Agencija traži tačno određenu vrijednost koju je jedino moguće ponuditi, a što je u suprotnosti sa čl. 3. i 54. ZJN. Žalitelj takođe predlaže da se u potpunosti ukine kriterij vanjske buke jer, prema mišljenju Žalitelja nije značajan kada je u pitanju kvalitet gume. Žalitelj u svojoj žalbi navodi da je na skali od pet podioka za iskoristivost goriva i prijanjanja na mokroj podlozi „A” najviša, a „E” najniža ocjena, zbog čega uslov „A” ne ostavlja nikakvu toleranciju obzirom da se u tom slučaju može ponuditi samo „A”, kako je traženo na poziciji 1-Specifikacija auto guma-zimske, pri čemu Agencija navedenim zahtjevom traži tačno određenu vrijednost koju je jedino moguće ponuditi, a što je u suprotnosti sa čl. 3. i 54. ZJN. Imajući u vidu navedeno Žalitelj predlaže da Agencija razmotri i uvaži žalbu, izmijeni TD broj 16-12-16-7946-2/23 od 11.10.2023. godine, odnosno

Specifikaciju auto guma-zimske. Razmatrajući žalbu Agencija je utvrdila da je žalba Žalitelja blagovremena, dopuštena i izjavljena od ovlaštenog lica te utvrdila da je ista osnovana. Agencija je, Rješenjem broj 16-12-16-7946-6/23 od 26.10.2023. godine prihvatila žalbene navode Žalitelja koji se odnose na TD, odnosno Specifikaciju auto guma-zimske. Obzirom da je na osnovu žalbe došlo do izmjene TD, Specifikacija auto guma-zimske, u skladu sa članom 53. stav (6) ZJN, produžen je rok za podnošenje ponuda u predmetnom postupku nabavke, Ispravka za obavještenje o nabavci broj 1161-7-1-219-8-67/23 od 25.10.2023. godine. Rok za prijem ponuda produžava se do 01.11.2023. godine, u 13:00 sati. Ponude se otvaraju u prostorijama Agencije, ul. Nikole Tesle br. 59, Istočno Sarajevo, dana 01.11.2023. godine, u 14:00 sati. Uzimajući u obzir sve navedeno, Komisija je dana 01.11.2023. godine u 14:00 sati izvršila javno otvaranje ponuda prema datumu i vremenu prijema, numerišući kovertu, te je konstatovala da su u ostavljenom roku pristigle tri ponude na Pisarnicu Agencije.

Na javnom otvaranju ponuda nije bilo prisutnih predstavnika ponuđača.

Blagovremeno su dostavljene tri ponude i to:

R.br.	Broj protokola	Naziv ponuđača	Datum i sat prijema ponuda
1.	16-12-16-7946-8/23	„UNITRADE” d.o.o. Ljubuški	31.10.2023.g. u 09:20 h
2.	16-12-16-7946-9/23	„GUMA VP 200” d.o.o. Mostar	31.10.2023.g. u 10:40 h
3.	16-12-16-7946-10/23	„EURO DAM-JAS” d.o.o. Lukavac	01.11.2023.g. u 10:55 h

R.br.	Naziv ponuđača	Ponuđena cijena u KM (bez PDV-a)
1.	„UNITRADE” d.o.o. Ljubuški	28.121,46
2.	„GUMA VP 200” d.o.o. Mostar	24.168,40
3.	„EURO DAM-JAS” d.o.o. Lukavac	28.774,92

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik BiH”, br. 39/14 i 59/22) (u daljem tekstu: ZJN), sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja ponuđača, te njihove kvalifikovanosti shodno uslovima navedenim u Konkurentskom zahtjevu.

Dalje, Tačkom 3.1.4. Konkurentskog zahtjeva a u skladu sa članom 49. ZJN, da bi učestvovao u konkretnom postupku javne nabavke, ponuđač mora zadovoljiti uslov tehničke i profesionalne sposobnosti i dostaviti sljedeća dokumenta:

a) na osnovu uzoraka, opisa i fotografija roba koje će biti predmet isporuke, a čiju vjerodostojnost je ponuđač obavezan potvrditi.

**Dokaz:**

a) katalog, fotografije zimskih auto guma ili link sa web stranice.

„Dostavljeni dokaz (katalog, fotografije) na kojima se vide tehničke karakteristike zimskih auto guma mora biti dostavljen na jednom od službenih jezika u Bosni i Hercegovini. Ukoliko je katalog, fotografije auto guma sa tehničkim karakteristikama dostavljen na jednom od stranih jezika, isti mora biti preveden i ovjeren pečatom od strane stalnog sudskog tumača u Bosni i Hercegovini. Ukoliko kao dokaz ponuđač dostavlja link sa web stranice, isti se dostavlja na aktu potpisanom i ovjerenom od strane odgovornog lica ponuđača, na kome treba navesti link na kome se mogu vidjeti tehničke karakteristike ponuđenih guma (dimenzije,

indeksi nosivosti, brzine, potrošnje goriva, kočenja na klizavom i maksimalne vanjske buke). Budući da su web stranice uglavnom na nekom od stranih jezika, Agencija će prihvatiti i takav link, s tim da se na istom precizno mogu vidjeti tehničke karakteristike ponuđenih zimskih auto guma”.

S tim u vezi, a u cilju ocjene tehničkih uslova navedenih u Konkurentskom zahtjevu, Komisija se aktom broj 16-12-16-7946/23 od 01.11.2023. godine obratila Sektoru za materijalno-finansijske poslove Agencije (u daljem tekstu: MAT-FIN), tražeći uvid u dostavljene ponude, odnosno uvid u dostavljene kataloge (fotografije, link sa web stranice) ponuđene robe, te stručno mišljenje u pogledu ocjene tehničkih karakteristika ponuđenih zimskih auto guma, odnosno, da li ponuđene zimske auto gume, na osnovu naprijed navedenog, odgovaraju traženim uslovima (index nosivosti, index brzine, potrošnja goriva, kočenje na klizavom, vanjska buka u dB) iz Konkurentskog zahtjeva za predmetni postupak nabavke. Komisija je zaprimila traženo mišljenje stručnih lica MAT-FIN-a broj 16-12-16-7946/23 od 02.11.2023. godine, sa obrazloženjem da je prilikom uvida u dostavljene ponude naprijed imenovanih ponuđača, na način kako je to naprijed traženo, konstatovano da iste u potpunosti ispunjavaju tražene uslove postavljene Konkurentskim zahtjevom.

Uvidom u sadržaj dostavljenih ponuda, a cijeneći mišljenje stručnih lica MAT-FIN-a Agencije, Komisija je utvrdila da ponuđači „UNITRADE” d.o.o. Ljubuški, „GUMA VP 200” d.o.o. Mostar i „EURO DAM-JAS” d.o.o. Lukavac ispunjavaju kvalifikacione uslove u pogledu njihove lične sposobnosti, sposobnosti obavljanja profesionalne djelatnosti, ekonomske i finansijske sposobnosti. Takođe, Komisija je utvrdila da navedeni ponuđači ispunjavaju formalno-pravne uslove postavljene u Konkurentskom zahtjevu.

Za postupak javne nabavke zimskih auto guma za potrebe Agencije, tačkom 8. (8.2.) Konkurentskog zahtjeva predviđeno je provođenje e-aukcije u skladu sa odredbama Pravilnika. Imajući u vidu da su za predmetni postupak nabavke na pisarnicu Agencije zaprimljene tri ponuda, od kojih su sve tri prihvatljive („UNITRADE” d.o.o. Ljubuški, „GUMA VP 200” d.o.o. Mostar i „EURO DAM-JAS” d.o.o. Lukavac), Komisija za predmetni postupak nabavke zakazuje e-aukciju za dan 06.11.2023. godine sa početkom u 10:00<sup>h</sup>, u trajanju od 20 minuta.

Prema Izvještaju o toku i završetku e-aukcije od 06.11.2023. godine, Komisija je sačinila konačnu rang listu ponuđača koji su učestvovali u postupku e-aukcije za predmetni postupak nabavke, kako slijedi:

R.br.	Naziv ponuđača	Vrijednost ponude u KM (bez PDV-a)	Rang
1.	„GUMA VP 200” d.o.o. Mostar	18.270,00	1
2.	„EURO DAM-JAS” d.o.o. Lukavac	18.300,00	2
3.	„UNITRADE” d.o.o. Ljubuški	28.121,46	3

Nakon pregledanja dokumentacije priložene uz dostavljene ponude, shodno Izvještaju o toku i završetku e-aukcije od 06.11.2023. godine, Komisija je utvrdila da je za predmetni postupak nabavke bilo snižavanja cijene ponuda kao kriterija za dodijelu ugovora, u skladu sa članom 8. Pravilnika. Takođe, Komisija je u skladu sa članom 65. st. (1) i (2) ZJN ocijenila ponude kvalifikovanih ponuđača, primjenjujući kriterij najniže cijene iz tačke 8. (8.1.) Konkurentskog zahtjeva, te je sačinila listu ocijenjenih ponuda, kako slijedi:

R.br.	Naziv ponuđača	Vrijednost ponude u KM (bez PDV-a)
1.	„GUMA VP 200” d.o.o. Mostar	18.270,00
2.	„EURO DAM-JAS” d.o.o. Lukavac	18.300,00
3.	„UNITRADE” d.o.o. Ljubuški	28.121,46

Nakon provedenog postupka ocjenjivanja dostavljenih ponuda, shodno Izvještaju o toku i završetku e-aukcije od 06.11.2023. godine, Komisija je utvrdila da je ponuda ponuđača „GUMA VP 200” d.o.o. Mostar ocijenjena kao najpovoljnija, da ista ne premašuje procijenjenu vrijednost nabavke iz tačke I Odluke o pokretanju postupka javne nabavke zimskih auto guma za potrebe Agencije.

Imajući u vidu naprijed navedeno, prihvaćena je preporuka iz Izvještaja o radu Komisije i odlučeno da se u predmetnom postupku nabavke okvirni sporzum na period od dvije godine dodijeli ponuđaču „GUMA VP 200” d.o.o. Mostar, kako je navedeno u članu 1. ove odluke.

**Pouka o pravnom lijeku:** Protiv ove Odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu. Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama.

DOSTAVLJENO:

- Ponuđačima (3x);
- Sektoru za mat.-fin. poslove;
- a/a.

